



CONCELLO DE BARBADÁS

BASES REGULADORAS DE INSCRICIÓN NAS LUDOTECAS DE NADAL 2021/2022

As presentes bases regularan o proceso de inscrición nas Ludotecas de Nadal 2021/2022 que terán lugar os días 22, 23,27,28,29 de decembro de 2021 e 3,4,5 de xaneiro de 2022 organizadas polo Concello de Barbadás e o acceso ao mesmo.

Trátase dunha actividade educativa e de animación sociocultural que ten como obxecto dinamizar a participación dos nenos e nenas do municipio e conciliar a vida familiar e laboral na que se desenvolverán actividades como traballos manuais, xogos, cine, etc.

As xornadas serán de 5 horas de duración en horario de 9.00 a 14 horas da mañá.

NÚMERO DE PRAZAS E GRUPOS

- Ofértanse:
 - **15 prazas** para nenos e nenas con idades **de 3 a 6 anos** (ámbolos dous incluídos)
 - **15 prazas** para nenos e nenas con idades **de 7 a 12 anos** (ámbolos dous incluídos)
- Respecto da adxudicación de prazas, será requisito indispensable cumprir cos criterios de idade.
- A adxudicación das prazas realizarase de forma directa se o número de solicitudes é inferior ao número de prazas que se ofertan.
- No suposto de que o número de solicitudes sexa superior ó número de prazas ofertadas, a orde de prioridade establecerase tendo en conta os seguintes requisitos:
 1. Que o/a menor esté empadroado/a no concello de Barbadás.
 2. Os/as proxenitores/as estén traballando no periodo solicitado de disfrute da actividade.
- Se unha vez aplicados estes criterios se mantén o empate, este resolverase aplicando o resultado obtido o 25 de febreiro de 2021 do Sorteio anual de letras de prioridade para resolver os empates no procedemento de admisión de alumnado para o curso 2021/2022 (artigo 29 da Orden do 12 de Marzo de 2013). As letras de prioridade que afectan ao primeiro apelido son: “W” e “S”; asimismo afectan ao segundo apelido as letras: “B” e “F”.
- É obrigatoria a asistencia; dúas faltas sen xustificar darán lugar á baixa na actividade.
- Só se permitirán como xustificantes válidos de falta de asistencia o xustificante médico por enfermidade ou ingreso do/a neno/a ou de familiar co que conviva.

PRAZO DE INSCRICIÓN E ADXUDICACIÓN

- O **prazo de inscrición** será **do 13 ao 16 de decembro de 2021** (ámbolos dous incluídos).





CONCELLO DE BARBADÁS

- **O luns, 20 de decembro** publicarase a **listaxe de admitidos** para a actividade.
- As solicitudes fóra do prazo sinalado estarán suxeitas á existencia de prazas libres.
- As inscricións realizaranse por unha das seguintes formas:
 - De forma telemática a través da sede electrónica do Concello de Badás: <https://barbadas.sedelectronica.gal>.
 - De forma presencial no rexistro (Casa do Concello 988360000, Oficinas A Valenzá 988393168).
 - E en calquera dos rexistros establecidos no artigo 16 da Lei 39/2015.8.
- A inscrición é de balde.

DOCUMENTACIÓN A PRESENTAR

Deberá presentarse o **modelo de solicitude debidamente cumprimentado** e a seguinte documentación:

- No caso de traballadores por conta allea: certificado da empresa en que se acredite o seu horario laboral.
- No caso de traballadores por conta propia (autónomos) : declaración xurada do profesional que traballa por conta propia con indicación da xornada laboral, e o último recibo en vigor da Tesourería Xeral da Seguridade Social.
- No caso de que o/a menor conviva só cun dos seus proxenitores e non sexa familia monoparental:deberán achegar, ademais do anterior, sentenza de separación/divorcio, convenio regulador ou medidas paterno-filiais nas que se especifique o proxenitor o que pertence a custodia do menor.
- No caso de familias monoparentais:deberán achegar ademais do anterior libro de familia.
- No caso de que non exista vínculo matrimonial, e ambos proxenitores convivan co menor:deberán achegar, ademais do anterior, certificado de convivencia expedido polo Concello correspondente.

Os datos reflectidos na documentación presentada deberán ser certos na súa totalidade; de non ser así, suporá a baixa automática e a perda de todos os dereitos de participación na actividade.

HORARIO DE ACTIVIDADE

Esta actividade terá lugar no Espazo Infantil (Parque da Solaina, A Valenzá) en horario de 9.00 á 14.00 horas da mañá os días 22, 23,27,28,29 de decembro de 2021 e 3,4,5 de xaneiro de 2022.

Este programa poderá sufrir modificacións en función das medidas sanitarias que sexa necesario adoptar para garantir a seguridade das persoas adxudicatarias debido á situación creada polo COVID-19.





CONCELLO DE BARBADÁS

ORGANIZA

Concellaría de Educación

Tel: 988246885

E-mail: educacion@barbadas.es

[http:// www.barbadas.es](http://www.barbadas.es)

